





原件短缺

卷1-6

元經薛氏傳卷第七

隋 龍門王通經

唐 河東薛收傳

宋 阮逸註

明 新安程榮校

經安帝隆安元年春正月卽位加元服魏道武帝皇
始元年二月呂光將禿髮烏孤自稱大單于甲寅尊
李氏爲皇太后戊午立王氏爲皇后三月光將段業
自稱涼州牧夏四月王恭庾楷殺王國寶王緒秋八

月慕容麟殺慕容祥無冬十月王國寶王融八

傳曰安帝諱德宗孝武長子也即位之歲當魏道

武帝之皇始元年也然則一歲而書二帝何也文

中子曰元經抗帝而尊中國其天命之所歸乎皇

始之帝也徵天命以授魏也晉宋之主近於正體

於是未忘中國晉本中國之舊也未嘗有樹晉之功圖中國之志或問皇

始授魏而帝晉何也子曰主中國者將非中國也

假立以歲時不欲遽棄齊梁陳之君則斥之四夷以明中國

有代矣元經至魏禿髮烏孤鮮卑人其先

與後魏同出西晉時樹機能侵有涼州之地武帝

遣馬隆破之其後惡復韃受呂光假節河西都統

烏狐嗣位至是稱大單于西平王李太后諱陵容

尊為崇訓太后王皇后諱神愛父獻之母新安主

太元二十一年納為太子妃至是立為皇后禮也

段業為建康太守有沮渠男成者說業曰呂氏政

衰權臣擅命府君以蓋世之才豈可附垂亡之主

男成今唱大義欲屈府君撫臨鄙州乃推業為涼

州牧甲戌王恭兗州刺史庾楷豫州刺史共舉兵

以討僕射王國寶王緒爲名朝廷乃殺國寶及緒以解兵書曰王恭庾楷殺王國寶王緒言政在諸侯矣初國寶爲會稽王道子妃由是與道子游處又因尼妙音與太子母陳淑媛游帝悅其諂媚與從弟王緒皆見知於道子倚以心腹爲時所嫉俄掌朝政於是王恭檄庾楷舉兵討之道子力不能拒諸侯乃收國寶賜死并斬緒以謝恭楷政由諸侯而天子弱矣且明道子執政之罪也

經隆安二年春帝正月三日龍舟災夏五月蘭汗殺

慕容寶秋七月慕容盛誅蘭汗王恭庾楷殷仲堪桓玄楊佺期舉兵反八月桓玄敗王師于白石九月詔會稽王道子率將軍謝琰王珣討桓玄冬十二月魏道武帝改元天興都平城襄陽流人叛牡炆反京口傳曰龍舟災沴大也桓玄篡之象也天戒若曰王者流遷龍舟失水故災之耳慕容寶旣敗於魏師南奔蘭汗蘭汗者垂之舅盛之妻父也必謂無貳至龍城爲汗所殺慕容盛聞寶死盛馳赴哀汗妻乙氏亦哀盛遺其子蘭穆迎盛舍之親敬如舊盛

夜因如廁袒而踰垣入于東宮與舊昵人李早等
漸汗及其二子王恭者蘊子也欲謀誅國寶與殷
仲堪桓玄相結乃抗表京師曰後將軍王國寶猥
以姻戚驟登顯列先帝登遐夜乃犯閤欲矯遺詔
賴皇太后聰明逆謀不果與其從弟緒同黨凶狡
昔趙鞅與甲除君側之惡臣雖駑劣敢忘斯義表
至戒嚴道子割庾楷四郡隸江州楷怒使人謂恭
曰貶削方鎮宜早圖之恭乃告殷仲堪桓玄衆推
恭爲盟主故書曰反以恭爲首桓玄者溫孽子也

聞王恭有憂國之言而桓玄潛意於功業乃說荆
州刺史殷仲堪曰國寶并緒互相表裏若用殷覬
爲荊州則君何以處仲堪曰計將安出玄曰說王
恭興晉陽之師我當率荆楚之衆此桓文之舉也
俄移都督交廣玄不行乃與庾楷討江州刺史王
愉及譙王尚之兄弟率南蠻校尉楊佺期攻江州
王師擊之爲玄所敗詔道子加黃鉞遣其子元顯
等討之玄等走潯陽魏道武帝改元天興者平慕容
容寶始有燕趙之地於鄴置行臺建號爲魏也

也地襄陽流人常禮叛降姚興也杜炯新安太守反于京口詔會稽王世子元顯討平之

經隆安三年春正月二月林邑陷日南九真遂寇交趾交趾太守杜瑗討破之段業自稱涼王仇池公稱藩三月陳夫人為皇后夏六月慕容德陷青州殺辟閭渾秋八月秃髮烏孤死弟利鹿孤立冬十月秦姚興陷洛陽十一月妖賊孫恩陷會稽十二月桓玄襲江陵殺殷仲堪楊佺期梁呂纂殺呂紹自立
傳曰林邑國漢象林縣馬援鑄銅柱之地也其先

范逸子文文攻大岐界小岐界式僕徐 屈都乾

魯扶單等七國并有其眾四五萬人永和中文攻

陷日南害太守夏侯覽殺數千人餘奔九真以覽

尸祭天鑿平其城遣使告交州求日南之北橫山

為界林邑少田故貪日南之地四年文又襲九真

害人十八九文死其子佛立寧康中佛常入貢至

是復來寇日南九真於是交州虛弱而林邑亦弊

矣按徼外諸國嘗以寶物自海入貢以資貨賄而交州刺史及日南太守多貪利侵侮由是憤

怒反為其攻破杜瑗討破之 告功也段業前年自稱牧

至是僭王仇池公稱以言楊氏稟晉命也陳夫人諱婦女松滋潯陽人也初入宮為淑媛生安恭

二帝至是尊為皇太后禮也慕容德稱南燕趨廣

固寇青州殺我龍驤將軍辟閭渾自此北鄙無主

而人懷于魏矣按慕容德先徵青州諸郡曰逆賊辟門渾父蔚昔用段阻亂淄川

我大宰東征勦絕凶命渾於覆巢之下蒙全卯之施盜據秦遣附吳越稷下之雄岱北之士有斬

者常同佐命渾出秃髮烏孤將終謂群下曰方

難未靜宜立長君故眾立其弟利鹿孤徙居西平

遣使梁明涼段業問曰有子何以不立明對曰

有子羌奴然先王所命也業曰昔成王幼周召作

宰漢昭八歲而金霍夾輔不亦可乎明日宋宣能

以國讓春秋羨之孫伯符委事仲謀終開有吳之

業兄終弟及殷湯之制也何必胤已為是紹兄為

非業曰美哉若使乎姚興攻洛陽執我太守辛恭

靖自是二京之舊皆陷後秦矣孫恩者孫秀之族

子也父泰事錢塘杜子恭學妖術誑百姓愚者敬

之後有罪伏誅恩逃于海聚黨百餘人因元顯暴

政百姓騷動恩襲會稽殺內史王凝之有眾數萬

於是會稽吳郡吳興義興臨海永嘉東陽新安凡
 八郡賊皆應恩起兵害太守民死者十七八焉仲
 堪者驃騎殷師之子也能清言善屬文與韓康伯
 齊名累遷至荆益都督隨桓玄所誘而反聞恭楷
 已死乃奔還玄大失援以仲堪與楊佺期交質追
 至江州及之其後仲堪佺期共擊玄玄為所敗佺期走
 襄陽仲堪走鄮城皆為玄所殺書曰桓玄襲江陵
 言桓氏強非仲堪能擊之也梁呂纂字永緒先符
 堅時入大學以此交結公侯堅敗纂奔至姑臧及

光死子紹秘不發喪纂入哭之甚哀紹懼讓位於
 纂纂不許既而呂超言於紹宜早圖之紹不從曰
 兄弟至親也豈有此乎每念袁尚兄弟未嘗不痛
 心也臨機不斷大事去矣呂弘不樂紹立乃告纂
 廢昌邑之義請兄為中宗纂於是率壯士夜踰禁
 皇城守衛以劍斫纂中額壯士執守衛者纂曰勿殺
 義士也纂外結紹登閣自殺呂超出奔廣武纂僭
 即天王位謚紹為隱王書曰呂纂殺紹不言兄弟
 言兄不兄弟不弟故兩書若凡人相殺之文也

經隆安四年春帝正月二月星孛奎婁夏四月孫恩
寇浹口五月東亭侯王珣卒己卯孫恩寇臨海謝琰
自死六月庚辰司馬劉裕討孫恩于南山秋七月太
皇太后李氏崩無傳丁卯秦姚興納乞伏乾歸降丁卯
僕射王雅卒元顯殺車胤冬十一月元顯封其子彥
璋為東海王十二月河右李嵩稱涼公

傳曰己卯星孛于奎長三丈上至紫微入北斗奎
至三台三月遂經于太微帝坐端門占曰彗掃天
子庭閣道易主象也孫恩寇浹口據會稽自號征

東將軍聞劉牢之來討曰我不失作勾踐也王珣
字元琳導孫也初為桓溫掾與謝玄齊名溫稱珣
曰謝掾四十必擁旄仗鉞王掾當作黑頭三公累
遷左僕射封東亭侯與殷仲堪徐邈王恭郗恢並
以文辭見名于帝珣嘗夢人遺以大筆如掾俄而
帝崩哀無謚議皆珣草以疾解職歲餘卒書侯重
世封也王謝琰字瑗度安之次子也破符堅有功
封望蔡公又平王恭遷衛將軍孫恩作亂詔琰與
劉牢之俱進討既而不為武備恩自海島潛窺伺

忽寇浹口入餘姚逼山陰琰遣叅軍劉宣之拒恩
咸以謂宜持重分兵設伏以待之琰不聽賊掩至
塘路窄琰軍魚貫而進賊在艦中旁射之至千秋
亭琰敗績爲帳下都督張猛斫琰馬墜地被害謚
曰忠肅書曰自死譏不能兵又不恤其帳下宜乎
自敗死焉孫恩浮海向京口劉裕緣海拒之及戰
大敗之恩狼狽赴船走姚興患勃勃乾歸亂於西
北僭檀遜擅於河右咨謀將帥鎮撫二方於是乞
伏乾歸先遣使送所掠守宰謝罪請降許之歸其

于熾磐官爵經不書伐言興實患勃勃而權納乾
歸也元顯者會稽王道子子也驕侈聚斂專總百
揆故封其子彥璋爲東海王書曰元顯封其子言
政不由帝也涼武昭王季嵩字玄盛初事段業業
聽讒於索嗣而疑嵩於是晉昌太守唐瑤檄六郡
推嵩爲涼公建年曰庚子屯玉門陽關廣田積粟
爲東伐之資矣王雅字茂達魏衛將軍肅之曾孫
也性接下敬慎任過其才時人以佞幸目之道子
爲太子太傅而雅爲少傅時王珣有時望其男婚

而賓客車馬甚盛俄聞雅拜少傅輒迴詣雅雅應
接傾心禮之孝武將擢王恭殷仲堪等雅曰殷仲
堪雖謹於細行幹畧不長四海無事必能守職若
道不常隆必爲亂階矣帝不聽有識稱其知人未
年慎默而已無復辯正遷僕射卒君子謂茂達潛
知季世非已能救故隱以保全詩曰旣明且哲以
保其身茂達之謂矣車胤字武子辟爲桓温從事
與吳隱之齊名皆以寒素聞於世善於賞會當時
皆云坐無車公不樂謝安遊集輒開筵待之孝武

帝嘗講孝經陸納侍講于耽謝石袁宏執經胤與
王混擿句時論榮之太元中增置太學生胤八博
士進爵臨湘侯以疾去職後爲吳興太守不赴遷
吏部尚書元顯有過胤密言於道子將奏之事泄
元顯逼令自殺胤乃卒書曰元顯殺車胤譏無君
也

經隆安五年正月二月呂超殺呂纂立其兄呂隆夏
五月沮渠蒙遜殺段業六月孫恩至丹徒秋七月段
興殺慕容盛九月呂隆降姚興

傳曰呂纂荒耽酒色又嘗責怒呂超超頓首稱不敢纂乃引超讌內殿呂隆屢勸纂酒昏醉超以劍刺纂洞胷斬纂首以徇曰纂殺害太子昵近小人番禾太守超以骨肉之親懼社稷顛隕今已除之矣乃立隆沮渠蒙遜臨松胡人也博涉書史頗曉天文滑稽善權變呂光殺其二父蒙遜於是起兵據金山依段業業封之爲臨池侯蒙遜嘗謂兄男成曰業信讒愛佞無鑒斷之明今除業以奉公何如男成不許蒙遜告男成叛業收男成殺之蒙遜

泣告衆人曰男成忠於段公枉見害諸君能爲報仇乎衆皆泣從之羌胡起兵響應遂殺業業京兆人儒素長者無權畧故爲姦佞所誤而死孫恩至丹徒乙亥內外戒嚴命高素張崇之守石頭劉襲柵斷淮口司馬恢之戍南岸桓謙司馬允之毛邃備白石王嘏孔安國屯中堂譙王尚之衛京城震恐設備也慕容盛寶之子也在位馭下驕暴多所猜忌其臣段興因衆心搖動夜鼓譟大呼盛聞變率左右出戰俄一賊從閭中擊傷盛召叔父熙屬

以後事而死熙立乃誅段璣等夷三族呂隆字永
基光弟寶之子也超既殺纂讓位於隆隆有難色
超曰今猶乘龍上天豈可中下隆在位多殺豪望
以立威名內外囂然魏安人焦朗者說姚碩德曰
呂氏因秦之亂制命此州諸子競尋民死者
大半明公救生靈之沉溺布微政於王門碩德從
之率衆至姑臧呂超出戰敗還超謂隆曰應龍以
屈伸爲靈大人以知機爲美天命去矣宗族可全
隆乃降碩德碩德表隆爲涼州刺史

經元興元年春正月庚午大赦改元詔將軍元顯劉
牢之司馬尚之討桓玄三月劉牢之叛降桓玄辛未
桓玄敗王師于新亭殺元顯及其六子壬辰遷道子
于安城酖殺之南涼禿髮利鹿孤死弟儋檀嗣立孫
恩死盧循爲主秋七月乙亥奴殺新蔡王崇無冬十
月冀州劉軌叛歸慕容德秦道子相州不當築市
傳曰大赦改元政出元顯也道子爲長夜之飲政
無大小一委元顯故妄行政令赦出無名焉桓玄
兵至京師匱乏惟給桴椽而食劉牢之以元顯信

任張法順故叛歸桓玄玄至新亭元顯棄船屯國
子學堂列陣于宣陽門玄出大桁牢之率衆逐元
顯執之送于新亭縛於舫前而數之元顯答曰爲
張法順所誤遂殺之玄奏道子酣縱不孝當棄市
恩詔遷之於安城郡尋亦鴆殺禿髮鹿孤死遺令以
子弟傳檀嗣儻檀少機警鹿孤在位軍國事皆委儻
儻及立自號涼王遷居樂都歸欵于姚興冀州慕
容德舊牧之地也德旣僭號于滑臺而東接齊魯
於是劉耽背晉歸德懼有辟閭之誅也孫恩敗投

水死妖黨猶曰爲水仙衆推盧循復爲寇

經元興二年春二月劉裕破徐道覆于東陽夏四月
癸巳朔日有蝕之秋八月桓玄自號相國楚王冬十
一月壬午移太廟神主于琅邪十二月玄篡位帝蒙
塵于潯陽夏四月

傳曰徐道覆者盧循黨也癸巳日蝕帝將蒙塵之
兆也桓玄加九錫自稱楚王起荊州爲國號也冬
十一月壬午遷帝于永安宮癸未移晉神主于琅
邪降諸侯舊封也桓玄於姑熟僭帝位大赦改元

元紀
卷七
建始

與趙王倫同號

又號永始

執權年同

其符僭逆如此於是

劉裕等斬桓脩於京口斬桓弘於廣陵玄震駭出南門南奔逼乘輿西上帝蒙塵于潯陽玄所逼也經元興三年春正月帝在潯陽三月庚申劉裕置留臺具百官夏四月劉裕討桓玄武陵王遵稱制攝萬幾五月壬午督護馮遷斬桓玄乘輿反正奉神主入太廟閏月桓振陷江陵帝蒙塵于賊營六月毛璩討桓希斬之秋七月戊申永安皇后何氏崩冬十月盧循寇廣州南燕慕容德死兄子超立

傳曰帝在潯陽桓玄軍中也劉裕置行臺司徒王謚推裕錄尚書事四月丙戌詔以幽逼於玄萬機虛曠乃立武陵王遵遵元帝孫也字茂遠初封年十二授拜流涕感動左右桓伊嘗詣遵遵曰吾門何謂通桓氏左右曰桓温踈宗相見無嫌遵曰我聞人姓木邊便欲殺之况諸桓乎由是以聰慧稱桓玄降遵爲彭澤侯遣之國行次石頭夜濤水入淮船破不得出會義旗興復詔攝萬機內外敬之五月桓玄義軍戰于崢嶸洲玄敗走將投梁州桓

希益州都督馮遷抽刀而前玄曰何人敢殺天子
遷曰殺天子之賊耳遂斬玄首送京師梟于大桁
乘輿反正復奉神主歸太廟禮也桓根復據江陵
以拒義師擁帝居賊營六月毛璩自領梁州遣將
攻漢中殺桓希桓氏始衰也皇后何氏諱法侃父
準后無子稱穆皇后居永安宮與安帝蒙塵至巴
陵劉裕奉后遠都至是崩盧循譙曾孫也娶孫恩
妹恩亡衆推循爲主泛海至番禺寇廣州逐刺史
吳隱之自攝州事遣使貢獻朝廷多虞權假循廣

州刺史慕容德迎其兄之子超于長安德夢其父
曰汝旣無子何不立超寤而告其妻吾將死矣乃
下書以超爲太子

經義熙元年春帝正月帝在江陵南陽守魯宗之破
桓謙桓振于柞溪劉道規擊桓謙走之乘輿反正戊
戌詔大赦改元二月譙縱殺刺史毛璩以蜀叛三月
將軍劉懷肅斬桓振帝至自江陵四月劉裕還京口
秋八月冬十一月乞伏乾歸破仇池楊盛
傳曰魯宗之起義襲破襄陽進軍擊桓振與桓謙

元紀 卷七
北走帝得反正乃改元義熙以義兵致重熙也譙
縱巴西人也始爲安西府叅軍蜀人愛之刺史遣
縱東下縱有貳志因民不樂東行道次涪城毛璩
聞之自涪城步還成都率兵討縱璩戰死焉劉懷
肅自雲杜伐桓振廣武將軍唐興斬振奉帝至京
師書曰至自江陵告于廟也劉裕還京口言自還
也非詔命能制矣乞伏乾歸旣附姚興姚興加乾
歸爲左賢王率衆攻仇池楊盛于西陽堡大破之
經義熙二年春帝正月刺史司馬榮期擊譙子明于

白帝夏五月封法蓮爲高陽王秋七月冬十月封劉
裕豫章公劉毅南平公何無忌安戎公
傳曰譙子明者譙縱將也司馬榮期爲益州刺史
擊子明于白帝以破賊來告也南陽王法蓮高密
王之子也十月論匡復功劉裕爲首劉毅何無忌
次之其餘封賞有差不書畧也

經義熙三年春正月二月車騎將軍劉裕來朝劉裕
殺殷仲文及其弟叔文道叔并駱球夏五月大水無傳
六月赫連勃勃僭位于朔方八月劉敬宣監征蜀冬

十一月赫連勃勃敗禿髮檀慕容雲殺慕容熙自立

傳曰劉裕來朝者用劉穆之之謀自丹徒領揚州入輔政且疑殷仲文等異已也殷仲文雖娶桓玄妹而素不交密作玄九錫辭納貨賄家累千金玄敗乞解職待罪詔不許遷爲東陽太守意不平劉毅深相禮接之不過何無忌無忌疑其簿已中傷之言於劉裕曰桓胤殷仲文腹心之疾

初赦文云除桓胤外

餘桓氏不赦

至是以仲文與駱球謀反及其弟竝誅之

書裕殺者以其聽何無忌中傷之也然仲文畜賄貪祿不爲無過不稱官懲懲之也赫連勃勃字屈丐劉淵族也長八尺五寸腰十圍美風儀性辯慧高平沒奕于以女妻之事姚興使鎮朔方時有河西鮮卑獻馬八千與姚興勃勃襲殺沒奕于并其家僭稱天王國號夏以謂夏禹苗裔也劉敬宣者牢之之子也牢之平孫恩威名甚振初與王恭同起兵背恭自降詔討桓玄輒降玄尋又背玄歸晉有劉襲者謂牢之曰事不可者莫大於反而將軍

往年反王兗州恭也近日反司馬郎君安帝也會復反

桓公也一人三反豈可得乎敬宣先還京口失期

不到牢之疑為劉襲所殺矣乃自縊俄敬宣至與

高雅之同奔慕容超玄敗復還京至是使平盧循

遷征虜將軍監征蜀勃勃僭號求婚于僂檀僂檀

弗許勃勃怒伐之殺萬餘人掠羊馬數十萬去僂

檀追之其將焦朗諫曰不如從温圍北渡趨萬斛

堆阻水結營制其咽喉百勝之術也其一將賀連

曰彼牛羊塞路財貨若山不能抗我宜在速追僂

檀追之勃勃聞而喜乃於陽武下峽鑿凌埋車以
塞路逆擊大敗僂檀慕容熙者垂少子也為妻符
后起承華殿土與穀同價典軍杜靜載棺上書諫
熙怒斬之符后死熙如喪考妣使有司案檢臨哭
者有淚以為忠孝無淚則罪之群臣莫不含辛為
淚將軍馮跋觀熙政暴虐推慕容雲為主發上方
徒五千閉門拒熙熙葬符氏收髮貫甲身馳赴難
攻北門不克走微服隱于林中索而殺之雲葬於
符氏之墓國人皆笑之

傳夷禮所以言召禍也

經義熙四年春帝正月琅邪王德文領司徒劉裕錄
尚書事夏四月僕射孔安國卒秋七月冬十一月大
風拔樹十二月陳留王曹靈誕薨
傳曰德文卽恭帝也劉裕意先尊德文而後已圖
進位也孔安國僕射愉之子也安國儒素清正嘗
爲東海王師詔曰卿導達津梁依仁游藝亦至左
僕射卒大風拔木盧循兵至之兆也曹靈誕魏陳
留王奐之後也書薨重國賓也

經義熙五年春帝正月二月慕容超寇宿豫執劉千
載趙元二太守而去三月將軍劉裕伐慕容超夏六
月丙辰震于太廟秋七月九月盜殺高雲馮跋篡位
冬十月魏紹殺其君道武帝

傳曰慕容超字祖明長八尺精彩秀發德甚愛之
名之曰超立爲太子及嗣位遣斛毅提公孫歸等
率騎寇宿豫執南陽太守趙元陽平太守劉千載
濟陰太守徐阮而去震于太廟者何春秋僖十五
年震夷伯之廟罪人也於是展氏有隱慝焉今震
太廟天戒若曰廟社不靈人主昏弱權臣震蕩隱

慝之咎發於此乎高雲卽慕容雲也本姓高氏自以謂無功德而豪傑所推常畏懼畜養壯士以爲腹心有離班桃仁者專典禁衛賞賜月至數千不測殺雲而衆推馮跋爲主跋字文起信都人也慕容寶召署爲將軍至是僭稱天王魏道武帝拓跋氏諱珪獻明皇帝之子也其子清河王紹作亂弑崩長子嗣誅元凶紹而立稱明元皇帝

經義熙六年春帝正月三月將軍劉裕克慕容超齊地悉平賊循來寇將軍何無忌拒循於豫章死之夏

五月戊子將軍劉毅及循戰于桑洛洲王師敗績僕射孟昺自殺秋七月盧循去寇荊州復走潯陽八月秦將桓謙寇江陵冬十一月蜀將譙縱陷巴東

傳曰慕容超任公孫五樓故人爲之語曰欲得侯事五樓至是劉裕伐超慕容鎮言曰昔成安君不守井陘之關終屈於韓信諸葛瞻不據東馬之險卒擒於鄧艾臣謂阻守大峴上策也超不從俄而公孫五樓段暉皆敗而超守廣固乞救于秦會秦爲赫連所破救兵不至超歎曰吾寧奮劍決死不

能衝壁求生裕用降人張綱以衝車版屋及飛樓
應梯臨其城超支解綱毋城破執超神色自若一
無所語送建康市斬之何無忌東海剡人其舅劉
牢之無忌始事東海王彥璋密與劉裕圖桓玄玄
甚懼言曰劉裕勇冠三軍當今無敵劉毅家無擔
石之儲樗蒲一擲百萬何無忌酷似其舅舉大事
何慮不成及破桓玄遷都督八郡事盧循別帥徐
道覆順流大艦重樓無忌率衆拒之長史鄧潛之
諫曰舟艦居上流蜂蠆有毒宜決南塘守二城以

待之賊必不敢捨我遠下俟其疲老擊之無忌不
從戰敗無忌厲聲曰取我蘇武節來躬親督戰握
節死之劉毅爲衛將軍朝廷以盧循自江陵與徐
道覆合勢來寇江寧詔毅拒戰于桑落洲爲循所
敗孟昺聞賊至京師大懼乃自殺循攻石頭柵不
利船艦爲暴風所傾乃進攻京口掠無所得廻據
潯陽將取荊州劉裕統大衆繼進戰大敗之循單
舸收散卒走桓謙以玄旣亡乃奔蜀進謙署爲荆
州刺史率衆而下至枝江刺史劉道規擊而斬之

譙縱遣其弟子明爲鎮東將軍攻巴州尅之遂屯于白帝自稱成都王十二月

經義熙七年春帝正月二月將軍劉藩斬徐道覆于始興夏四月交趾刺史杜惠度斬盧循於水中秋七月冬十月涼李嵩敗沮渠蒙遜

傳曰劉裕先遣孫處從海道據番禺盧循歸不能入徐道覆保始興至是皆爲刺史所斬傳首京師賊悉平也涼李嵩初西時留女名敬愛養於外祖尹文文旣東遷從姑梁褒母養之其後禿髮儁檀

假道北山遣褒送敬愛于酒泉與嵩通好嵩率騎二萬畧地至建東沮渠蒙遜聞之來侵建康嵩大怒率兵追及戰于彌安大敗之

經義熙八年春帝正月二月甲寅山陰地陷夏五月乞伏公府殺乞伏乾歸秋八月皇后王氏崩庚辰劉裕矯詔殺劉毅及劉藩謝混大赦天下冬十二月將軍朱齡石伐蜀

傳曰山陰地陷方四丈有聲如雷占曰地陷裂者臣下分離坤道喪也乞伏乾歸於義熙三年僭稱

秦王至是畧于五谿有梟集其手乾歸惡之俄爲
兄子公府所殺及其諸子十餘人公府奔火夏乾
歸長子熾磐舉兵討之公府走智遠等追擒于嶠
岷山并其四子輟之熾磐自立王皇后諱神愛獻
之女也無子崩年二十九葬休平陵號安禧皇后
劉毅字希樂沛人也討桓玄功最多嘗謂何無忌
不平毅能引咎不校時論韙之又討盧循有功累
加都督荆揚交廣請劉藩爲副劉裕覺其貳於己
乃奏帝曰劉毅傲狼凶戾履霜日久長惡不悛志

在姦妄從弟藩遠相影響招聚剽狡左僕射謝混
憑藉世資輕佻躁脫扇動內外連謀百里是而可
忍孰不可懷乃收劉藩謝混誅之裕自率衆討毅
命王鎮惡等至豫章燔舟而進攻陷外城毅與戰
至日暮焚諸門力攻之毅自北門軍騎走去江陵
而縊先書殺毅者言劉裕志在除毅而逮及藩混
也且貶裕專殺故不書官朱齡石伐蜀縱出奔尚
書令馬耽者封府庫以待王師縱自縊而死

經義熙九年春帝正月三月劉裕殺諸葛長民夏四

月弛湖池之禁秋九月封劉義員桂陽公冬十二月高句儷倭國來貢

傳曰諸葛長民琅邪人有文武幹才不持行檢始為桓玄參軍有罪免及劉裕建義長民預謀以討玄功拜輔國將軍又平盧循都督六郡監太尉留府事貪侈殘虐百姓苦之劉毅誅死且曰昔年醢彭越前年殺韓信禍其至乎貧賤常思富貴富貴必履危機今欲為丹徒布衣豈可得也裕聞而疑之伏壯士幙中引長民與語壯士自後拉而殺之

收其第黎民黎民驍勇與捕者苦戰而死小第幼民逃于山中進擒戮之

傳曰裕酷及其弟也

四月罷臨沂湖

熟皇后脂澤田詔賜貧民因而弛湖池之禁古之道也昔文王靈臺靈沼與民共之漢詔以苑囿給賜貧民晉祚下衰劉裕擅此所以取民心也雖然但能法古利民民之主也劉義真者何裕次子也無功而封公將自愛其家也高麗扶餘種也倭國登大海山島百餘小國相接魏時有三十國戶十萬黥面文身自言太伯之後其道當會稽東重譯入

貢而文良自容太尉之外其敢當會試東軍騎人
經義熙十年春帝正月三月戊寅地震夏六月乞伏
熾磐滅禿髮儁檀秋九月丁巳朔日有蝕之冬十月
城東府去古味凡凡之主也隱隱其音同於天子也
傳曰戊寅地震劉裕之權盛矣乞伏熾磐與沮渠
蒙遜合勢攻儁檀儁檀敗而歎曰蒙遜熾磐委質
於吾而我歸之不亦痛哉四海之廣匹夫無所容
身與其聚而同斃不若分而獲全以兄之子樊尼
使之西遂降熾磐熾磐遣使郊迎諸城從而皆下

惟浩豐尉賢政不下熾磐呼之曰樂都已潰卿獨
守何爲賢政對曰受涼王恩厚爲國藩屏雖知樂
都已潰妻子被擒然不知主上存亡未敢歸命昔
羅憲待命晉文亮之文聘後來魏武不責委付之
重竊用恥焉大王將安用哉熾磐遣儁檀于手書
諭之賢政諭武臺曰汝爲國儲不能盡節棄父背
君虧萬世之業我義士也豈若汝乎旣而儁檀至
乃降書滅者傷滅其國也丁巳日蝕革命之徵也
城東府者何尚書府也自道子元顯分東府西府

元紀 卷七
掌其事至劉裕因之居東府今城之防不虞也傳

裕錄尚書事而城其府以防他變也

其因也下五日始革命之期也

經義熙十一年春帝正月荊州司馬休之雍州魯宗

之舉兵討劉裕二月秦姚興死子泓立三月辛巳劉

裕及司馬休之戰于江津王師敗績休之義兵夏四

月司馬休之魯宗之出奔姚興劉義真封彭城公朱

齡石豐城公己酉霍山崩秋八月丁未僕射謝裕卒

無傳冬十月

傳曰司馬休之字季預譙敬王恬第三子也討王

恭庾楷有功後為桓玄所敗奔慕容超及玄敗復

歸京師遷平西將軍都督荆雍六州子文思作亂

休之上疏請解荊州歸罪闕庭不許遂與魯宗之

共誅執政者時休之次子文寶兄子文祖在都下

皆為裕先賜死自率兵征之遺休之治中韓延之

書曰文思事遠近所知送與司馬君使自訓厲至

公之極也而了無愧心久絕表疏天地所不容吾

受命西征止其父子而已彼土僑舊一無所問吾

虛懷期物自有由來韓延之報曰聞親率戎馬遠

履西畿士庶惶駭莫知師出之名也辱疏始知譙
王前事良增歎息平西迺體國忠貞款懷待物以
公有匡復之功家國蒙賴譙王往以微事見劾猶
自表遜位况以大過當默然便及于戎自義旗以
來方伯誰不先咨疇而徑表天子可謂欲加之罪
其無辭乎劉裕欲誑國士天地不容在彼不在此
矣劉藩死於閭闔之門諸葛斃於左右之手甘言
詭方伯襲之以輕兵遂使席上靡款懷之士闔
外無自信諸侯良可恥也吾以平西之至德寧可

無授命之臣乎當與臧洪遊於地下耳裕得書而
歎曰事人當如此魯宗之自襄陽會休之共屯江
陵拒裕戰于江津大敗俱奔姚興興死裕平姚泓
又奔魏義隆裕之子與朱齡石論平蜀之功故皆
封公已酉霍山奔出銅鐘六枚記異也

古祠神名
山多以鐘

磬藏其地故
陵遷而出

經義熙十二年春帝正月姚泓遣魯軌寇襄陽夏赫
連勃勃取秦州秋八月琅邪王德文伐秦姚泓冬十
月秦將姚洗以洛陽降己丑高密王恢之修五陵

傳曰魯軌者宗之子也宗之既奔秦遣其子軌欲取襄陽為晉將趙倫所擊敗走夏赫連勃勃攻秦上邽克之殺秦州刺史姚平又攻陰密姚恢棄安定奔長安書曰取秦州言易也經書取秦州傳言克上邽按地理志秦武公伐邽戎有上邽有下邽上邽隸秦州下邽隸臨晉至勃勃秦州刺史鎮上邽城八月劉裕同琅邪王德文伐姚泓經書德文不稱裕者先宗王而抑權臣也裕心欲挾帝弟之勢遠伐中原本防他變爾經特不書裕嫌征伐自諸侯出抑其太盛也十月裕將檀道濟至洛陽姚洗懼出降

高密王恢之敬王恬之子也姚洗既以洛陽降詔恢之修宣景文武惠帝陵禮也

經義熙十三年春帝正月甲戌日有蝕之無傳二月涼

李嵩死子歆立三月將軍王鎮惡破姚紹于潼關夏

四月劉裕敗魏師于河曲秋七月劉裕克長安滅姚

泓冬十二月僕射劉穆之卒

傳曰李嵩寢疾顧命宋繇曰吾喪亂之際遂為此方所推不能一同河右今氣力憊然不復起矣死者人理吾不悲之所恨志不申耳吾終之後世子

歆猶卿子也無使專驕自任薨年六十七謚曰武昭王歆字士業府寮奉為涼公姚泓遣胡翼度據潼關遣姚鸞步騎五萬拒晉師於潼關裕使王鎮惡自秋社西渡渭逼姚難引師而西是時大霖雨渭水漲不得北渡鎮惡水陸俱進追及姚難姚難陣涇上拒鎮惡鎮惡敗之遁還長安姚紹總其事聞晉師過關嘔血而死書曰破姚紹紹總師也魏遣將娥青救姚泓至河曲為劉裕所敗斬其裨將阿薄子七月劉裕進攻長安泓將妻子詣壘門而

降宗室百餘人亦降裕盡殺之送泓建康市斬之

姚萇以孝武太元九年立至泓三世而滅共三十二年

經義熙十四年春正月辛巳大赦沈田子殺王鎮惡于長安劉裕封宋公秋七月冬十一月赫連勃勃敗王師于青泥復陷長安十二月戊寅劉裕弑帝崩

傳曰夏赫連勃勃聞劉裕破姚泓謂群臣曰裕克長安利在速返必留子弟守關中待裕發軫吾取之易於拾芥耳於是據安定盡有嶺北之地裕遺勃勃書請連和勃勃命皇甫徽為文陰誦之乃召

裕使口授令人爲書答裕裕覽文奇之既而留子
義真守長安而還勃勃之臣王買德進計曰劉裕
以亂攻亂未有德政濟蒼生使弱才小兒守之非
經遠之計也狼狽而返者欲速成篡耳無暇有意
於中原陛下以順伐逆義貫幽冥青泥上洛南師
之衝要宜斷其去來之路然後杜潼關塞嶠險絕
水陸之道義真獨坐空城逃竄無所可謂兵不血
刃而自定矣勃勃從之使買德南斷青泥勃勃率
大軍繼至義真使沈田子逆戰不利田子與王鎮

十惡出城遂殺之義真又討沈田子於是閉門自守
赫連夜襲長安裕聞之大懼召義真鎮洛陽使朱
齡石守長安義真東歸百姓逐齡石而迎勃勃入
長安勃勃謂王買德曰卿往日之言可謂筭無遺
策也復陷長安貶裕之罪也言速篡位無意於中
原也戊寅帝崩于東堂年三十七帝不慧自少及
長口不能言雖寒暑無所辨凡動作皆非已出故
桓玄之篡因此獲全初有讖云昌明之後有二帝
故裕密使王韶縊帝而立恭帝以應二帝然後禪

代也故經書劉裕弑帝崩春秋之制凡弑君稱君
 君無道也稱臣臣之罪也又例曰凡自虐其君曰
 弑也君子謂劉裕殺姚泓之已降及宗室從而遇
 害其後蕭齊篡宋汝陰見殺劉無少長盡幽死易
 所謂積不善有餘殃其劉裕之謂乎
 經晉恭帝元熙元年春正月帝即位立皇后褚氏甲
 午劉裕還朝夏四月秋七月劉裕移鎮壽陽冬十月
 乙酉劉裕以義真鎮揚州十一月丁亥朔日有蝕之
 十二月黑龍四見東方

傳曰恭帝諱德文安帝母弟也初封琅邪王義熙
 十四年十二月劉裕矯安帝遺詔曰大司馬琅邪
 王體自先皇明德光懋屬推儲貳眾望攸集其君
 臨晉邦奉系宗祀允執厥中燮和天下闡揚來誥
 無廢我高祖之景命遂即位劉裕自伐秦回是月
 始朝焉移鎮壽陽以其子義真鎮揚州張外勢以
 干窺內也丁巳日蝕晉祚盡此焉黑龍四見者何傳
 曰皇之不極是謂不建厥咎眚厥罰常陰厥咎弱
 時則有龍蛇之孽有下人伐上黑陰色也見東方

劉氏出東海之應也不入外北黑劉也其東六

經元熙二年春正月夏六月劉裕至京師諷帝禪位

于宋也也下日始會流盡也黑讀四良

傳曰六月劉裕至京師傳亮承裕旨諷帝禪位草

詔而請帝書之帝謂左右曰晉氏久失之矣今復

何恨乃書赤紙為詔甲子帝遜于琅邪舊第裕以

帝為零陵王居秣陵行晉正朔車旗服色一如舊

法然有其文而不備其禮焉明年裕使兵人踰垣

弑帝于內房謚曰恭帝年三十六經不書弑謂前

年已弑安帝今逼以禪則弑之義欲蓋而彰焉

元經薛氏傳卷第七

元經薛氏傳卷第八

隋 龍門王通經

唐 河東薛收傳

宋 阮逸註

明 新安程榮校

經宋高祖武帝永初元年後魏明元帝五年夏六月

宋受晉禪秋七月陳留王曹虔嗣薨八月癸酉立義

符為皇太子九月北涼滅西涼

傳曰不書正月二月系晉朔也不言即位晉元熙

元紀 卷八
二年夏巳書晉禪于宋也曷謂今六月復書宋受
晉禪曰晉史異辭宋史異辭元經包晉宋之史異
辭其事則一也事一辭異猶春秋之法也陳留王
曹虔嗣魏後也書姓以別非宗室王也義符長子
也立爲皇太子正也北涼沮渠蒙遜玄始九年伐
西涼李士業滅之不書名氏志其地以告也曷謂
舉地以告曰東晉涼州牧自張軌世稟晉命至是
李暉據燉煌州沙沮渠蒙遜據張掖州各僭號建元
其實晉一牧而已故舉涼地相滅爲文不書姓氏

如春秋赤狄白狄之類皆狄而已無所褒也

經末初二年春帝正月辛酉祀南郊大赦二月乙丑

策舉秀才孝廉夏四月禁淫祀房廟秋九月晉恭帝

爲宋所滅書滅司馬氏冬十一月葬晉恭帝

傳曰郊祀就南本陽位也祀周祭天名也祀天以

遠祖配自三代以來尊此禮惟周公因攝政率天

下諸侯朝于明堂由是尊文王祭於明堂以配土

帝魯用天子禮樂因周公以尊祖也故魯之郊卜

郊卜牲過則書以示訓也今宋之革晉相沿漢魏

舊典凡郊祀告天肆赦所以易民耳目爾其於尊祖因心則與古制異焉策試州郡所舉秀才孝廉於延賢堂行漢故事也禁淫祀房廟者何自秦漢而下方士妖術非鬼而祭妄求私福謂之淫祀正寢之旁設以房室無稽而祭謂之房廟宋初知其弊故詔禁止之禮也晉恭帝既禪位封零陵王宋使兵人殺之書為宋所害此宋史與晉史異辭也

晉史曰劉裕弑帝崩宋史曰晉帝為宋所害 元經因晉宋二史成文在

晉安帝時劉裕人臣也故書弑所以貶亂臣之逆

也在宋祖之世晉恭降為王宋為君主故書為宋

所害以哀前代非義而死元經實傷之耳雖傷之

亦必變文所以明宋為君主猶害人臣也

王胤宋志也言宋志在於殺者若春秋鄭伯克段傳云是謂鄭志也 盡 滅司馬氏之

族不書于經何也曰義熙十四年貶裕弑君已重

故其滅尤酷之也葬晉恭帝如魏明帝葬漢山陽

公故事權也

經末初三年春帝正月詔刑無輕重悉原之徐羨之

錄尚書事二月星孛虛危夏四月封楊氏為武都郡

王癸亥帝崩于西殿秋七月冬十一月魏師克滑臺
 傳曰正月甲辰詔刑罪無輕重皆原之非禮也曷
 謂非禮夫國之刑制原情輕重故虞書青災肆赦
 怙終賊刑堯舜之爲也周禮刑平國用中典刑新
 國用輕典刑亂國用重典益輕重中典臨事適宜
 無幸免無濫入民是以信不犯有司古之道也今
 刑無輕重悉原之出於一人之私妄求於一人之
 福天安信祐哉傳言五月帝果崩徐羨之錄尚書
 事帝顧託也帝疾甚召太子戒之曰檀道濟雖有

幹畧而無遠志非如兄韶徐羨之傅亮當無異圖
 故書徐羨之舉顧託之首也星孛虛危占曰虛二
 星主死喪哭泣危三星主墳墓有孛焉此帝將崩
 之兆也楊盛仇池公楊世之後也世長子纂居仇
 池其弟統起兵武都與纂爲符秦所滅而統獨存
 至是宋初有天下務懷遠方故封其子孫以盛爲
 王宋權也癸亥帝崩于西殿帝漢楚元王之後諱
 裕字德輿小字寄奴世居丹徒京口以平孫恩桓
 玄有大功累遷至錄尚書事討慕容超以車四千

兩爲二翼方軌徐行攻滅之廻討盧循以萬鈞神弩摧陷之又北伐加位相國策封宋公討姚泓平長安進爵宋王晉恭帝元熙二年禪位于宋帝不許太史令駱達奏天文符應案晉義熙之元年太白晝經天凡七占曰人更主異姓興又五虹見鎮歲太白熒惑聚東并入太微黑龍四登天漢世建武至建安一百六十六年而禪魏魏自黃初至咸熙四十六年而禪晉晉自太始至今一百五十六年揖讓成躬於六廢帝卽天子位在位三年崩年

六十七魏明元帝遣將攻滑臺克之書曰滑臺不守也

經少帝景平元年春帝正月帝卽位夏四月魏師陷虎牢執毛德祖太皇太后崩秋七月立張夫人爲皇太后冬十月星孛于氏魏明元皇帝崩

傳曰少帝諱義符高祖長子也魏師旣克滑臺乘勝攻虎牢陷之執宋刺史毛德祖德祖毛寶宗子也執而不殺言魏強也知爲力屈非降故不書降太皇太后蕭氏崩高祖初爲宋公宋王加大妃太

后之號武帝踐祚尊之曰太皇太后至是崩于顯陽殿年八十一張夫人生少帝有司上尊號為皇太后春秋之義母以子貴也星孛于氏者占云氏四星上者宿宮后妃之府有星孛焉宮闈有變之兆也魏明元皇帝拓跋氏諱嗣道武帝長子也崩時年二十二謚曰明元書崩抗帝以尊中國也

經景平二年春帝正月己卯朔日有蝕之二月徐羨之殺廬陵王夏五月衆廢帝為滎陽王六月癸丑徐羨之弒滎陽王崩

傳曰己卯日蝕帝將廢之應也徐羨之殺廬陵王義真義真武帝第二子也昔從帝收中原留義真鎮長安為赫連勃勃所逐武帝崩徐羨之等因義真與少帝不協遂廢為庶人遣吏殺於徙所書羨之殺者貶其專殺也衆廢帝者何徐羨之傳亮王弘檀道濟謝晦中外衆臣共議帝過惡乖失羨之使舍人邢安泰弒帝於金昌亭然則廢帝稱衆者天下之公也弒帝書羨之者亂臣之首也曷謂天下之公曰天之生民樹之以君言衆樹之也失道

元紀 卷八
則爲獨夫故廢昏舉明以安天下此所謂公也既廢矣又從而殺之此亂臣之惡羨之爲首乎故特書徐羨之弑帝別未立君亟行弑逆以明一日不可以無君也

經文帝元嘉元年魏太武皇帝始光元年春正月帝卽位夏四月秋八月大赦改元九月丙子立皇后表

氏

傳曰文帝諱義隆武帝第三子也少帝旣廢百官迎帝立之八月丁酉卽位于中堂書正月卽位者

正五始也大赦改元以元嘉爲首也魏太武諱燾

明元長子卽位之歲改元始光適與元嘉並並謂相也

皇后表氏名齊媽父湛左光祿大夫后初適帝爲

王妃至是立爲皇后正也

經元嘉二年春帝正月辛未祀南郊夏四月秋八月

乙酉彭城王義康爲司空冬十一月楊玄爲武都王

傳曰秦漢而下郊祀志更有甘泉后土五峙神祇

事多不經魏晉之君親祀郊祭以祖配天損益不

定元帝過江立郊祀儀依漢獻帝都許故事乃設

南郊於己地依漢光武故事正月建郊之禮按周禮云三王之郊一用夏正故宋禮亦沿晉制而日惟用辛從古禮也彭城王義康者武帝第四子也少聰察司徒王弘表王宜入輔政乃拜司空稱也楊玄者仇池公楊盛之子封爵也襲也

經元嘉三年春帝正月丙寅誅徐羨之傅亮詔將軍到彥之執謝晦不言誅二月己卯謝晦伏誅夏五月乙巳涼州牧沮渠蒙遜改大將軍冬十二月吳郡徐佩之反

傳曰徐羨之字宗文初為參軍與武帝同府深相親結以佐命功進錄尚書事無學術而局度詳整傅亮字季友咸玄孫也博涉經史至中書令有佐命功與徐羨之同受顧命及少帝廢義真死迎立文帝密有誅羨之亮意羨之走出自縊載尸付廷尉亮亦奔追收之臨刑曰亮受先帝遺命黜昏立明社稷之計欲加之罪其無詞乎遂伏誅謝晦字宣明晉太常裒之玄孫也美風儀時人方之楊德祖從武帝征關洛內外要任悉委晦及聞咸陽淪

沒武帝欲北伐晦以王粲詩諫曰南登霸陵岸回首望長安悟彼下泉人喟然傷心肝武帝流涕乃止與徐傅及檀道濟共輔政同廢少帝授荊州爲外援及文帝誅徐傅晦奉表曰不有所廢將何以興率衆二萬移檄建康爲到彥之所執誅之沮渠蒙遜自晉義熙八年僭號河西王其後朱齡石遣使聘之蒙遜遣使報聘因表曰益州刺史朱齡石遣使詣臣始其朝廷休問承將軍劉裕秣馬揮戈以中原爲事可謂天贊大晉督生英輔也陛下據

全楚之地擁荆揚之饒安可垂拱晏然棄二京之功以資戎虜乎若六軍北軫克復有期臣請率河西諸戎爲晉右翼前驅自是宋依晉故事竝遙加蒙遜官號羈縻之也吳郡太守徐佩之聞羨之旣誅乃謀反事泄亦伏誅

經元嘉四年春帝正月乙亥曲赦建業二月乙卯幸丹徒謁京陵夏六月癸卯朔日有蝕之秋七月冬十月

傳曰曲赦建業慮都下徐傅親黨或不安也故赦

之辛巳南郊不書畧也元嘉二年巳書傳解詳矣幸丹徒京口

也高祖之考墓在候山其地秦史所謂曲阿丹徒

有天子氣宋國以高祖陵曰初寧陵皇考陵曰京

陵謁京陵因京口地為名禮也六月日蝕皇子劭

立之應也逆子立天不與也故先見謫于上

經元嘉五年春魏太武皇帝神麿元年帝正月甲申

大閱無傳夏六月詔遣使賑贍秋七月冬十二月魏太

武帝伐夏以赫連昌歸

傳曰自去年五月疾疫至今年正月陰陽愆序故

六月戊子都下大水大災異不絕乙卯遣使巡行

賑貧民禮也後魏太武皇帝因炎州獻獸河內獻

白麀改元神麿夏五月魏伐赫連昌至技隣山捨

輜重以輕騎三萬先行至黑水祈天告祖宗乃誓

衆六月大破昌昌奔上邽虜昌及其家人萬數車

旗珍寶不可勝計遂班師書以十二月者從赴告

也六月破赫連昌十二月魏始告捷于宋也春秋列國赴告冊書交相

紀南北朝則通使問亦以克捷相告古史遺法也

經元嘉六年春帝正月辛丑祀南郊三月丁巳劭為

元經 卷八
太子夏五月日有蝕之秋七月百濟國遣使來貢十一月巳丑星晝見十二月西河河南國竝遣使來貢傳曰劭者孰是曰文帝子也立爲太子不書皇言劭立不足爲皇嗣也百濟者其先東夷三韓國中諸小國之一也後漸強大晉義熙中百濟王餘映朝貢授以鎮東將軍百濟王宋自元嘉以來每歲遣使貢方物此卽餘映也星晝見者日無光也曰日無光君德不明故星侵日晝見象臣下侵君權也西河者鮮卑朮噲之後也河南者其先亦鮮卑

慕容奕洛干之後也二國皆東北通秦隴古流沙之地焉子孫以吐谷渾爲姓自號河南王至是遣使來貢案此國二路隣益州常通商賈其來非懷中國之舊也實以貿商貨耳
經元嘉七年春帝正月二月壬戌雪且雷三月遣將軍到彥之侵魏夏六月封楊難當武都王秋七月冬十月立錢署戊寅魏克金墉城又克虎牢壬辰遣將軍檀道濟拒魏師到彥之至滑臺奔退
傳曰雪且雷紀異也到彥之督諸將王仲德竺靈

秀尹冲段宏趙百符庾俊之宋修之等北侵魏自
淮入泗水竭日行十里自四月至七月始至東平
以朱修之守滑臺尹冲守虎牢杜驥守金墉十月
魏軍至虎牢杜驥奔走尹冲衆潰而死魏師進滑
臺彥之焚舟步奔彭城乃免彥之書官後經不書
官貶其奔也楊難當者何仇池公之後也國號武
興難當自稱武興王至是通使于宋宋封之曰武
都王始置錢署以鑄四銖錢濟一時之急非經久
之利也園法自太公作輕重九府子母相權使貧

富各得利用後世失其權泥於執一故錢輕則富
者增價錢重則貧者不給於是有盜鑄犯上之亂
作焉晉宋以來四銖錢非古也經書始置譏失政
也檀道濟以到彥之侵魏河南復爲魏所克於是
詔遣都督諸軍北畧地書曰拒魏師言苟自固守
非制勝之詞也

經元嘉八年春帝正月二月癸酉檀道濟道歸魏定
河南三月大雩六月乙丑大赦又大雩秋七月冬十
月

傳曰檀道濟至濟上與魏師三十餘戰多捷軍至

歷城資運竭夜唱籌量沙以為米魏人謂資糧有

餘緩之乃遁歸不書官譏小智失大謀也南史云道濟全

軍而返雄名大振北史諱其遁也書曰魏定河南言江左不能與

爭也自是中原定於魏矣大雩旱也又大雩猶未

雨也旱而救懼民有變也然政令一失陰陽失序

救之何益乎故書大赦又雩譏非禮也

經元嘉九年魏太武延和元年春帝正月二月詔佐

命功臣配享廟庭夏五月太保王弘薨秋七月以殷

景仁為僕射冬十月以皇子紹為廬陵王魏滅夏赫

連氏及乞伏氏

傳曰二月詔曰故太傅長沙景王劉道隣故大司馬

烈武王劉道規故司徒文宣公劉穆之華容公弘王弘永

修公道濟檀道濟故龍陽侯鎮惡咸有文德以弘帝載

有武功以隆景業而太常未銘從祀闕享宜配祭

廟庭勒功天府禮也太保王弘字休元導之曾孫

也弘以佐命功封華容縣公武帝因宴集言曰我

布衣始望不至此是時傅亮等並撰詞以稱功德

獨弘對曰此天命求之不可得推之不可去時人稱其簡當文帝立又以定策功累遷錄尚書事進太保薨謚曰文昭公配食武帝廟庭弘不營財物不事威儀將加榮爵於人必先呵責而後施行若接語欣懽者必無所諧或問其故荅曰王爵既加於人若撫勞之是與人生分功此姦以事君者也聞者皆悅服書官以薨賢之也書殷景仁爲僕射喜其得人也同時劉湛代景仁爲領軍不書貶湛景惡也曷謂景仁善而劉湛惡曰湛與景仁素相善

皆遇於武帝湛常居外任而景仁引湛還朝共參朝政而湛陰結彭城王義康以傾景仁故一書一不書善惡分矣皇子紹爲廬陵王者繼孝獻王義真嗣也乞伏國仁之孫熾盤死以慕末嗣位爲夏赫連所滅赫連氏自勃勃死子昌立爲魏所虜昌弟定復據平涼至是魏舉兵滅之二國先後不同而并書之者以示魏興中原諸閏位相繼滅矣

漢乞伏本二國故并書之

經元嘉十年春帝正月甲寅封義宣爲南譙王夏林

元經 卷八 十四
邑等國朝貢秋七月曲赦梁益秦三州冬十一月楊
難當據梁州沮渠蒙遜死子茂度立

傳曰義宣帝弟也改封南譙王初封武陵王群蠻
充斥義宣不能制改封南譙優親正也夏林邑闍
婆呵羅等國遣使朝貢皆以商利來耳案夷貊傳
林邑國漢象林縣古越裳之域地廣六百里馬援
植銅柱之所也其王法服加纓絡如佛像之飾以
吉貝爲幡旗吉貝木棉也其大姓謂之婆羅門闍婆達
國者遺傳奉表其詞曰宋國大王大吉天子足下

教化一切種智安穩天人師降伏四魔轉尊法輪
度脫衆生我雖在遠亦霑靈潤呵羅單國其王曰
沙跋摩奉詞曰常勝天子陛下諸佛世尊三達六
通爲世間導是名如來其時南朝信尚佛法故海
蠻得以交易因而巽辭媚王曲徇夷情非禮也益
梁秦三州雖遠屬南朝然去就不定是時楊難當
背宋歸魏故曲赦三州以安叛黨也十一月初難
當據梁州亦號東益州其城東連秦嶺西接宕昌
言語與中國同地植九穀婚姻有六禮知書數出

元經 卷八 十五 秀
桑麻銅鐵於本國自稱仇池王沮渠蒙遜臨松胡人先世爲沮渠之官遂爲氏蒙遜博練群史頗曉天文有英畧權變乃叛呂光據金山門段業晉隆安五年自立爲涼州牧至義熙八年僭號至是死子茂虔嗣僞位焉

經元嘉十一年春帝正月夏四月刺史蕭思話復梁州五月丁卯以沮渠茂虔爲西河王
傳曰蕭思話爲梁南二州刺史會氏帥楊難當寇漢中思話破氏羌收漢中置戍於葭萌帝使思話

上定漢中本末下史官書書曰復梁州從告功也
沮渠茂虔爲西河王來通好也

經元嘉十二年春帝正月辛未祀南郊馮弘爲燕王夏四月丙寅都下地震六月大水以穀百萬斛賑民九月蜀將張尋爲寇

傳曰辛未南郊舉舊制也馮弘者何北燕馮跋之弟也跋信都人其先畢萬子孫有食馮鄉因爲氏焉初事慕容寶後附高雲作亂衆推跋爲主晉太元二十年僭號于昌黎跋寬仁有大度恭慎勤子

家勸農桑省徭役每遣守宰必親見東堂問爲政之要令極言無隱於是朝野競勸又建太學置博士諸僞政皆莫能比後爲魏師所伐地震災異跋問其臣閔尚尚對曰地三陰陰主百姓震有左右之占今震皆向左臣懼百姓將西移乎跋乃遣使巡行問民疾苦賜以穀帛元嘉七年跋卒而弟弘立通好南朝故封爲燕王來遠從權也都下地震零陵王太妃殂之應也恭帝母也大水以穀賑民禮也經元嘉十三年帝正月癸丑朔帝有疾不朝會三月

帝殺司空檀道濟夏四月秋七月晉零陵王太妃殂九月封皇子濬爲始興王駿爲武陵王魏伐燕馮弘奔高麗

傳曰帝疾不朝會書變常也南朝元會自晉武帝講求漢儀參用魏制著爲典常謂之咸寧注是也咸寧注曰先正一日有司宿設夜漏未盡群臣集于庭燎上賀起謁報百官及受贄郎官下至計吏皆入其次大鴻臚各奏群臣就位侍中奏外辦皇帝出鐘鼓作百官皆拜伏太常導皇帝升御座鴻

元經 卷八
臚奏請朝賀掌禮卽讚皇帝延諸王登殿延太尉等登各奉璧皮帛羔鴈雉再拜賀訖引下殿復故位以贄授贄郎郎以璧皮帛付謁者以羔鴈雉付太官太樂令跪奏雅樂乘黃令出車皇帝罷入百官皆坐諸蠻夷以次入皆再拜皇帝又出僕射跪奏請群臣等上奉觴再拜上千萬歲四廂樂作百官再拜乃行百官酒太樂奏登歌三終乃降太官具御飯尚食持案並授持節持節跪進御座前太樂令奏云奉食舉樂太官行百官飯畢鼓吹令奏

進衆技乃召諸郡計吏前授敕戒鐘鼓作群臣北面再拜出此漢魏叅用儀也宋汭晉制每年正月朔御殿受朝賀以爲常典故不比年書之今歲帝疾不視朝故特書不朝會以明常歲皆朝會也檀道濟高平金鄉人隨宋武建義爲前鋒所至望風降以佐命功數帥兵拒魏師三軍依附帝忌憚朝廷皆目之曰安知非司馬仲達也帝寢疾聽信領軍劉湛湛及彭城王義康皆慮宮車晏駕道濟不復可制乃矯詔收付廷尉父子八人皆誅之時人

爲之語曰可憐白浮鷗枉殺檀江州明無罪也故
書帝殺者言文帝不能臣爲晉零陵王太妃恭帝
太后也以晉儀葬之禮也濬帝之次子駿第三子
即成書始封也馮弘者跋之弟也爲後魏所伐弘
帝也東奔高麗高麗殺之北燕以晉孝武太元二十年
僭號至弘三世而滅凡二十八年地歸于魏

經元嘉十四年春帝正月辛卯祀南郊夏四月蜀賊
張尋降秋七月冬十二月河南西河呵羅單國使朝
貢

傳曰蜀賊張尋及其黨趙廣來降遷之建鄴河南

慕延西河沮渠呵羅單西南夷竝遣使來貢

經元嘉十五年春帝正月以吐谷渾慕延封隴西王
夏四月秋七月辛未地震新作東宮武都河南高麗
倭人扶南林邑國使朝貢冬十月立儒學于北郊

傳曰吐谷渾慕延其先鮮卑慕容氏也西徙上隴
過抱罕出涼州西南至赤水而居之其界東疊川
西于闐北高昌東北秦嶺方千餘里古流沙地也
有青海出龍馬至慕容延始通江左故封隴西王

新作東宮太子劭居也武都楊難當也河南即吐

谷慕容延自號河南王也高麗王高理也案高麗王高璉

宋武帝初踐祚加璉為鎮東大將軍馮弘奔高麗宋遣使至白駒往取之高麗將孫澈殺弘不欲南來至白駒復殺澈於海璉執白駒送于宋宋不欲違遠人意下白駒獄由是璉每歲來貢焉倭

國王名讚無姓氏物產與儋耳朱崖同宋初除安

東將軍倭國至扶南國在日南郡海西灣中去日

南七千里東通交州西接天竺安息外交易東西

日有萬餘商人珍物無不有天竺書言與佛經相

似林邑與扶南相達崇佛法而優禮諸蠻故多入

貢因商利也帝好文立四學以雷次宗掌儒學何

尚之掌玄學何承天掌史學謝元掌文學置館于

郊法古四郊學也

經元嘉十六年春帝正月戊寅閱武于北郊夏六月

立子鑠為南平王秋九月魏伐北涼擒其王茂慶冬

十二月乙亥皇太子劭冠

傳曰閱武北郊懼魏南侵舊典漢魏以來立秋之

日郊禮畢乃揚威武斬牲於東門以薦陵廟其儀

帝御戎服乘白馬朱鬣躬執弓射牲命謁者載以

獲車送陵廟以束帛賜武官隸兵習戰陣之儀斬

牲名曰驅劉驅猛獸名劉殺也兵習孫吳法六十四陣既

還公卿迎拜天子下車與公卿親識顏面乃還宮

自東晉天子不親令進退而武臣不傳六十四陣

至宋惟有閱武之名而無習兵之法矣案六十四

陣此諸葛亮習黃帝八十一陣遺制也晉馬隆得

其術乃以八陣法伐北涼自後有桓温者因伐蜀

於魚復平沙上觀武侯八陣基址以石縱橫為八

行此則方排成八八六十四陣之因也其變化即

後人莫得傳其奧焉唐李靖有兵書對問三卷得此法皇子饒文

帝第三子書始封也魏師伐涼擒沮渠茂虔平姑

臧於是魏盡平涼州舊地焉偽國盡亡矣太子劭冠帝

往觀之帽無故墜地元兇之兆也

經元嘉十七年魏太武太平真君元年春帝正月夏

四月戊午朔日有蝕之秋七月壬子皇后袁氏崩九

月壬子葬元皇后冬十月劉湛有罪誅十一月僕射

殷景仁卒因徵求三十萬錢曾與許山執憲射如

傳曰袁皇后袁湛女適文帝為妃生子劭后族貧

元經 卷八
每就上求錢帛上性儉不過五十千而已潘淑妃
有寵后因潘求三十萬錢宿昔便得由此恚恨成
疾至是崩命顏延之爲哀策文上益八字云撫存
悼亡感今懷昔詔謚曰元皇后劉湛字弘仁父柳
晉儀同湛襲安衆縣男嘗自比管葛不爲文章累
遷給事中與殷景仁竝任湛曰今世宰相何難正
當漢南陽郡功曹耳後景仁專內任而湛猜隙漸
生結彭城王義康以傾景仁晚黨附義康帝不平
之湛亦知必敗會丁艱次甲于室以待上臨事泄

伏誅不書官貶有罪也殷景仁陳郡長平人少有
大成之量不爲文而敏有思致不談義而深達於
理舊章記注莫不撰錄文帝委遇尤厚劉湛與義
康欲遣人若劫盜者於外殺之上聞之徙景仁西
掖門爲護軍府密邇宮禁故義康計不得行景仁
稱疾停家養老數年雖不見任而密函去來朝政
大小必問焉及誅劉湛外人莫知預計也卒謚曰
文成公

經元嘉十八年春帝正月夏五月甲申江水溢害居

人冬十一月僕射王球卒氏楊難當寇漢川

傳曰江水泛溢害居人陰沔陽下陵上也王球字

舊玉司徒謚之子正方獨立歷位侍中舍人徐爰

有寵於上上命球與之相結球辭曰士庶區別國

之章也臣不敢奉詔王曇首稱球曰舊玉可謂玉

卮無當耳又劉湛殷景仁權傾內外球雖姻戚未

嘗往來居選職接容甚希而銓衡有序尋代殷景

仁為僕射江夏王義恭啓文帝曰王球誠能淡退

有素譽然頗以物外自許端任要功非其所長帝

曰昔周伯仁終日飲酒而居此任蓋所以崇素德

也楊難當兄之子曰文德奔漢中族弟廣香攻文

德因寇漢川焉

經元嘉十九年春帝正月夏四月始奉祠大赦五月

將軍裴方明破楊難當秋七月甲戌晦日有蝕之九

月丙辰有客星在北斗十二月丙申詔奉聖襲封西

涼李寶歸於魏

傳曰帝久疾初愈始親祠大赦南朝以赦罪為求

福非古也裴方明與秦涼二州刺史劉道真同討

仇池破之告功也甲戌晦日食案星曆凡日月合朔則蝕春秋傳以為月掩日也有朔有晦者大小盡使然耳案春秋書日食或無朔而有日者或無朔無日者或有朔無日者餘則日朔皆滿惟食即無明又歷代所占災異但食即占之不限晦朔也今茲食者天戒若曰陽為陰所蔽文帝為義康義恭諸侯擅權小人構隙國衰亂之應也客星在北斗占曰凡客星所出有兵喪北斗帝居也臣下有陰窺神器之象詔奉聖孔氏子孫世世得襲封宋沿

晉制行之禮也李寶者西京武昭王暠孫也書歸

于魏不抗兵以庇民也

唐之先也故別立傳於載記史官

經元嘉二十年春帝正月二月魏克仇池夏四月甲午立皇子誕為廣陵王秋七月冬十月壬午置籍田水旱大饑斷晉左帝於東陵之南命木之其來與

傳曰仇池楊難當去年為宋所討難當兄子文德背魏歸於宋授封武都王至是復為魏所克書曰仇池不書文德重其地微其人也皇子誕帝第四子也書始封也初置籍田以水旱相繼欲行籍田

以祈農福安也案藉田之制夏曰貢商曰藉周曰
徹其實皆什一稅也藉之言借民力耕獲以奉神
報先重農功非徼福也周人藉千畝天子躬耕所
以勸農務本漢文帝始修藉田迄魏氏三祖皆舉
水三推之禮晉武帝於東郊之南洛水之北乘輿御
牛木輅以耕江左元帝賀循定儀注未詳迄今宋國
水旱俄脩此禮失古義也

經元嘉二十一年春帝正月諸郡禁酒二月辛卯以
子宏爲建平王夏四月秋九月以沮渠安周爲河西

王冬十月雷且電

傳曰諸郡南兖州南豫州浙江西並禁酒行權酷
也是時國窘竭故權酒利以苟安焉建平王宏帝
第五子書始封也沮渠安周者孰謂非沮渠之裔
也自茂虔爲魏所滅蓋安周是其疎族僭附於宋
虛授以州刺史河西王非實封也冬雷且電陽愆
失所也

九雷之聲由電也

雷霹靂耳

魏元嘉二十一年春帝正月

經元嘉二十二年春帝正月辛卯朔始用新曆二月
甲戌立子楳爲東海王昶爲義陽王夏四月秋九月

元紀 卷八
癸酉宴武帳堂冬十二月范曄反伏誅免義康爲庶
人示嘉二十二年春帝五代辛卯朕故用舊曆二月
傳曰新曆者何承天所撰元嘉曆也禕帝第六子
昶帝第七子皆始封也宴武帳堂帝先勅諸子且
勿食至會所賜饌既而日旰諸子有飢色因誡之
曰汝曹少豐溢不知百姓艱難今特使爾識飢當
節儉用物也古者享以訓恭儉宴以示慈惠今帝
誠諸子因飢使知節儉亦慈惠在其中矣范曄字
蔚宗車騎范泰第四子也作宣城太守乃刪衆家

後漢書爲一家之言徐湛之則無以謝天下上得
劭呪詛巫蠱之言上謂義恭曰常見典籍有此將
謂空言不意親覩此不幸也先是彗星起畢昴入
太微掃帝座端門滅於翼軫又熒惑逆行守昏自
十一月霖雨連雪陽光罕耀劭與始興王濬帝第
二子
也異謀每夜饗將士或親行酒密與隊主陳叔兒
及張超之謀是月二十一日夜詐作上詔云魯秀
謀反汝可平明率衆入因使超之率素卷
二十人
皆被甲入其夜上與徐湛之語至旦燭猶燃滅超

之行弒上以凡自障五指俱落而崩遣人殺吏部
江湛卽僞位詔曰徐湛之弒逆吾勒兵入殿已無
所及今罪人斯得可大赦改元爲太初遷大行皇
帝於太極殿劭成服號慟義師至劭自督戰魯秀
打退故爲義師所乘大敗入府庫井中擒之與濬
竝伏誅汙其東宮南平王鐸字玄休帝第四子也
元凶旣立以鐸爲錄尚書事及義師入以歸義最
晚常懷憂懼眠中蹶起無復魂守食中遇毒而薨
經宋武帝孝建元年春帝正月卽位

經孝建二年

經孝建三年

經大明元年

經大明二年

經大明三年

經大明四年

經大明五年

經大明六年

經大明七年

經大明八年五月

經少帝子業永光元年春正月即位

經明帝湘東王成太始元年即位魏取淮南地

經太始二年魏天安元年

經太始三年

經太始四年

經太始五年

經太始六年

經太始七年魏獻文帝傳位于子孝文帝

經太豫元年四月帝崩

經宋廢帝蒼梧王昱元徽元年春正月即位

經元徽二年

經元徽三年

經元徽四年

經元徽五年帝凶惡為楊玉夫弒崩魏獻文帝為后

弒崩

經順帝準昇明元年春正月即位明帝子九歲魏太和元

年

經昇明二年南齊蕭道成專政

經昇明二年禪位偽齊

元經薛氏傳卷第八

元經薛氏傳卷第九

龍門王通經之專論

河東薛收傳

阮逸註

新安程榮校

經後魏孝文帝太和四年春正月

文中子曰或問孝文子曰可與興化矣又曰中國

之道不替孝文之力也又曰太和之政近雅矣

陽得中國也建明堂修制一明中國有法也

律令舉兵百萬伐江陵其後宜武孝又自修元經

明皆修太和之政是中國有法也

以斷南北之疑晉東遷故南朝推運曆者以齊梁

曆者以北齊周陳為正統於是南北二支夷虜相

乘而天下疑矣元經者所以尊中國也中國無主

故正統在東晉及宋中國有董常問元經之帝魏

主則正統歸于後魏後周

何也子曰亂離瘼矣吾誰適歸詩曰月篇也箋云

歸天地有奉魏修國立方釋之祭生民有庇魏平之是庇民

也且居先王之國邑路受先王之道建明堂子先王

之民矣子亦謂之何哉何謂而子曰元經之專斷

蓋稟於天命吾安敢至之哉天命未改於晉祚則

斷之於江南天命歸

述之

於中國則繼帝都洛造明堂置職制凡詔策帝自

之於元魏

經太和五年

經太和六年

經太和七年

經太和八年

經太和九年

經太和十年

經太和十一年

經太和十二年

守

經太和十二年

經太和十三年

經太和十四年

經太和十五年

經太和十六年

經太和十七年江南王蕭東奔

經太和十八年

經太和十九年

經太和二十年

改姓元氏

元氏改姓元氏

經太和二十一年

經太和二十二年伐江南至樊城而還

經太和二十三年帝崩

經後魏宣武帝恪景明元年春正月即位

經景明二年

經景明三年南齊為梁蕭衍所篡

經正始元年

經正始二年

經正始三年

宋平

經正始四年

改元 永平

經永平元年

經永平二年

經永平三年

經永平四年

改元 延昌

經延昌元年

經延昌二年

經延昌三年

經延昌四年

經後魏孝明帝

翊

熙平元年春正月即位

經熙平二年

改元 神龜

經神龜元年

經神龜二年

改元 正光

經正光元年

經正光二年

經正光三年

經正光四年

經正光五年

經孝昌元年

經孝昌二年

經孝昌三年改武泰

經武泰元年帝崩立孝文曾孫釗爾朱榮弒帝釗別立子攸

改元永安年終改普獻示年

經孝莊帝永安元年即位

經永安二年

經永安三年帝殺爾朱榮

經前廢帝恭普泰元年春正月不書即位即位

經後廢帝即中興元年春正月即位於信都高歡立之

經出帝永安元年春即位

經永熙二年帝幸長安

經永熙三年帝在長安宇文泰帝崩

經西魏文帝大統元年實炬孝文之孫即位於長安高歡

立元善建號東魏

經大統二年關中大饑

經大統三年

經大統三年

經大統四年關中大崩

經大統五年東魏

經大統六年六月辛未朔甲申

經大統七年帝立身安宇文泰 帝崩

經大統八年帝幸身安位

經大統九年二月辛未朔甲申

經大統十年

經大統十一年二月辛未朔甲申 計登高澄立

經大統十二年梁中大同元年

經大統十三年東魏高歡卒子澄嗣

經大統十四年東魏侯景奔梁

經大統十五年侯景殺梁王蕭衍高澄

經大統十六年高洋殺東魏靖帝自立國號齊

經大統十七年帝崩

經西魏廢帝敘元年 從周制立 春正月即位

經二年陳霸先誅侯景梁蕭繹立於江陵

經三年帝為宇文泰所廢崩 宇文泰為大崩

經西魏恭帝廊文帝第二子元年以宇文泰為太師

經二年蕭簪立于江陵號後梁立於江陵

經三年宇文泰卒子覺立弒帝崩五月甲申

經周閔帝覺元年春帝正月即位陳霸先篡梁自立

宇文護弒帝崩梁帝自立國號齊

經周明帝毓武定元年春帝正月即位

經武成元年陳霸先卒高洋卒

經武成二年宇文護弒帝崩於宮中

經周武帝邕保定元年高演卒北齊

經保定二年蕭簪卒

經保定三年

經保定四年

經保定五年改天和

經天和元年陳文帝卒北齊高緯大亂

經天和二年

經天和三年

經天和四年

經天和五年

經天和六年改元建德

經建德元年遣使聘陳

經建德二年

經建德三年

經建德四年

經建德五年

經建德六年舉師伐鄴高緯亡改宣政

經宣政元年伐陳獲吳徹帝崩改元大象

經周宣帝贊大象元年春帝正月即位改元

經大成元年春帝禪位於太子衍曰靖帝

經周靖帝衍大定元年楊堅輔政伐陳盡取淮南

經大定二年禪位於隋

經隋文帝堅開皇元年春帝即位封子廣晉王

經開皇二年陳宣帝卒

經開皇三年蘇孝綽置籍田注國何也下曰山東中

經開皇四年後梁蕭巋來朝日晉宋齊梁陳

經開皇五年正月朔日有蝕之立義倉東井

經開皇六年築長城

元經
經開皇七年後梁蕭琮來朝國亡

經開皇八年出師五十萬伐陳鎮星入東井

經開皇九年春正月白虹夾日晉宋齊梁陳亡

王凝問元經書陳亡而具五國何也子曰江東中

國之舊也衣冠禮樂之所就也永嘉之後江東貴

焉懷帝永嘉二年中國大亂而元帝渡江中興衣冠往依之卒不貴者無人也

元帝明帝成帝賴王導為輔至康穆之世晉祚不衰至孝武賴謝安為之佐後桓玄篡劉裕興賢故

衰齊梁陳不與其為國也宋嘗有樹晉之功故君

復及中國但自相篡立及其亡也則君子猶懷之

故君子不與其為國

自齊梁陳三國之亡吾猶懷晉宋也故書曰晉宋齊梁陳亡具五以

歸其國歸晉舊國且言其國亡也言自亡矣疑曰晉宋先亡

今具之何也子曰衣冠文物之舊不欲其先亡也

故具晉宋齊梁陳以歸其國也其未亡則君子責

其國焉曰中國之禮樂安在曰君子責齊梁陳之詞也責不脩禮樂但

自相篡而已及其已亡則君子與其國焉曰猶我中國

之遺人也曰者君子猶懷書宋之詞也此元經所

以書也少曰天入昧與之類其何具也姑存之

文中子曰春秋以天道終乎故止獲麟麟不遇時天命窮矣

元經以人事終乎故止陳亡先王之道掃地薛收

曰何謂也曰天人相與之際其可畏也故君子備

之言齊梁刺亦晉宋之變入也此天盛也

續元經後二十八年終如春秋左傳曰師奔中國

其國言齊梁刺亦晉宋之變入也此天盛也

姑具晉宋齊梁刺以觀其國也其未寸頃也子貴

今具之何也子曰宋武文附之者不殆其武也

且言其國也也言自魏曰晉宋宋武也

元經薛氏傳第九

如書曰晉宋齊梁刺寸具正以

續元經第十

庚隋文帝開皇十年春大風赤木

辛經開皇十一年春帝正月焚修實器

變故三月突厥獻七寶椀

壬經開皇十二年

癸經開皇十三年春新作仁壽宮

甲經開皇十四年春詔州縣吏三年一代不得重任

乙經開皇十五年春帝正月封泰山夏六月焚綾文

布湘州進詔焚之

丙經開皇十六年春

丁經開皇十七年夏五月有群鹿入殿門

戊經開皇十八年春二月伐高麗以漢王諒為元帥帥水陸三十萬征

高麗秋九月漢王諒薨兵死者十二三

巳經開皇十九年

庚經開皇二十年夏四月有天聲如瀉水冬十月廢太

子勇立晉王廣為太子煬帝也

辛經仁壽元年夏五月大風拔木

壬經仁壽二年陳叔寶薨

癸經仁壽二年春河大水中子奏策於太極殿二年

甲經仁壽四年春秋七月無日光帝崩太子所弒崩

乙經隋煬帝大業元年春正月不書即位弒父之帝賊天下共誅也

開沛渠秋八月御龍舟幸江都宮

丙大業二年

丁大業三年煬帝幸東都

戊大業四年

巳大業五年幸東都

庚大業六年幸江都

辛大業七年幸涿鹿秋河南山東大水

壬大業八年駕征遼

癸大業九年又征遼楊玄感反楊素子

甲大業十年又征遼秋七月還東都弒王侑留守京

師

乙大業十一年幸并州及鴈門

丙大業十二年七月幸江都越王侗留守東都

丁義寧元年唐公李淵入長安改元義寧立恭帝文

中子卒年三十八恭帝義寧二年字文化及弒帝崩隋三十八年

戊唐高祖武德元年

隋開皇元年文帝受禪是年文中子生煬帝大業

十三年改元義寧恭帝立文中子卒明年字文化

及弒恭帝隋亡

又為恭帝辭曰

十二字以元義寧恭帝立文中午卒四半字文外

高祖皇帝元半文帝受禪是半文中午主數帝

西魏皇帝元半

續元經第十終

帝義寧二半字文外又除帝崩附三



